

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

آبونه اولتی ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تذکره ایچون مجیدیه

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه یه متعلقدر

تَبْلِیغَات

بولتیقه وسوء قصد و مخل آداب عمومیہ حرکاتدن
ماعداً جرائم عادیہ ایله محکوم اولان مجرمیندن
در سعادت حبسخانه عمومیسنده محبوس اولوب نلثان
مدت جزائیہ لرینی اکیال ایتمش اولان سکسان کشینک
«عید میامن بید اضحی» حرمتنه اخلائی سیلیری
وطشره حبسخانه لرنده محکوماً محبوس بولنان بومثللو
مجرمینک دخی عفو عالی جناب پادشاهیدن استفاده
ایتمک اوزره کیفیتک هر طرفه تلغراف ایله تبشیری
خصوصنه ارادهً مراسم معتادهً جناب جهانبانی
شرفتعلق بیورلمش و برمنطوق امر و فرمان هایون
اقتضاسنک همان ایفاسی ضمنده عدلیه نظارت
جلیله سنندن ضبطه نظارت جلیله سیله در سعادت
استیناف مدعی عمومیکنه تذکره لر تسطیر و طشره
محاکم استینافیہ سی مدعی عمومیکنه لرینه ده تلغراف
ایله کیفیت تبلیغ و تبشیر ایدلیکی کبی در سعادت
حبسخانه سنده محبوس اولوب مظهر عفو عالی
اولان مجرمینک ده حضوری معتاد اولان ذوات
مواجهه سنده سیلیری تخلیه اوله رق عمومی طرفندن
دعای تمادی عمر واجلال ولی نعمت بینت اعظمی
تذکار و تکرار قلمشدر.

عدلیه نظارت جلیل سنده ۱۵ شباط سنه ۳۱۸ تاریخید محاکم
استینافیہ مدعی عمومیکنه لرینه بار بیلده تحریرات عمومیہ
صورتیدر:

اعشار نظامنامه سنک اوتوز طقوزنجی ماده سنه
تذیل اولنان ۱۶ حزیران سنه ۳۰۸ تاریخی فقرات
نظامیه ده «ایفای دینده ترمرد ایدلر بولتور ایسنه
ملتزم لر طرفندن متمر دینک اسملری بالالرینه محرر
اوله رق هر کوی و محله ایچون بر قطعه عرضحال
یازیلوب مذکور مصدق دفتر لر ایله برابر بدایت
محکمه لرینه اعطا اولتوب آنک اوزرینه مدیونلر جلب
ایله شایان قبول مدافعه لری اولدیغی حالده هر شخص
حقنده بشقه بشقه مذکره تنظیمیله اجرا قانونه
توفیقاً تحصیل ضمنده اجرا مأمورینه کوندریلور،

دیو مسطور اولدیغی حالده متعدد اشخاص ذمتلرنده کی
مطلوبانک بر عرضحال ایله دعواسنده کی عدم جواز
قانونی یه استناد بعض محلرجه ملتزمک اهلیدن متعدد
کسان ذمتلرنده بولنان مطلوبانک تحصیل دعواسنده
مدیونلردن هربری حقنده آری آری عرضحال اعطا
سیله اقامه دعوی ایتسی لازم کله چکی ذهابنده بولدیغی
مخابرات جاریه دن اکلاشلمش و بویاسه صراحت
نظامیه یه مخالف اوله رق دائره مأموریتلری داخنده
بولنان محاکمه لاجل التبلیغ اشبو تخریراتک نسخ مطبوعه
کافیسی لفاً ارسال قلمش اولدیغی بیانیله شقه

محاکمات مقدمات

قبر شهری سنجانی بدایت محکمه سی مدعی عمومی
معاون سابق داود افندینک اوراق انفصالیه و مدافعه
نامه سی انجمن انتخاب مأمورین عدلیه جه لدی التذقیق
جواز استخدامنه قرار ویرلمشدر.

محکمه تمیز استدعا دائره سنندن تنظیم و اعطا
قلنان اعلامدر:

عیانجق قضاسنه تابع اله کوفسه قریه سی اهلینندن
صاری اوغلی محمد و طفلی اوغللری محمد و علی ایله
بیننده متکون دعویله دائره قضاء مذکور بدایت محکمه سی
حقوق دائره سنندن ویریلان ۴ مارت سنه ۳۱۷ تاریخی
اعلامک تمیزی مستدعی قضاء مزبور زراعت باقعه سی
وکی محمد عارف افندینک ویردیکی عرضحال و متفرعاتی
تعلق دعوی حسبیله باش مدعی عمومیکنه مأموریت
بهیسنک مطالعه نامه سیله برلشدر یله رک محکمه تمیز
استدعا دائره سننده لدی التذقیق مدت و شروط قانونیه سنه
موافق و اعلام مذکور مرور زمانه متعلق اولمغله
عرضحال مزبور بالقبول تذقیقات تمیزیله اجرا سنه
ابتدار قلدی.

اعلام مذکورک خلاصهً مآلی: بانق مزبور وکی
مومی الیه عارف افندینک ابراز و اعطا ایدلیکی ۱ کانون
ثانی سنه ۳۰۱ تاریخی و سکز ماه وعده لدی برقطعه

سنند موجبجه مرقومون محمد و دیگر محمد وعلینک
ملغا منافع صندوقه جهت اصالت و کفالتدن دینلری
اولان ایکیوز تمش غروشک تحصیلی حقنده اقامه
ایتدیکی دعویله قارشو دعوت واقعه یه اجابت ایتیمان
مدعی علیهمک محافظه حقوقی ایچون جانب محکمه دن
تعین قلنان وکیل مسخر تاریخ سنده نظراً دعوی
واقعه ده مرور زمان اولدیغی مدافعه انبا ومدعی
بانق وکیلی دخی سننده محرر وعده نک انقضاسی
تاریخندن اعتباراً اون بش سنه گذار ایتدیکی کبی
تأدیة دین ایتلمی لزومه دائره ملغا منافع صندوقندن
مدعی علیهمه ۱ تموز سنه ۳۰۵ تاریخنده اخبارنامه
تبلیغ ایدلمش اولدیغی جهته دعوی حاضرده مرور
زمان اوله میسه یعنی دفع علی الدفع دعوی اوله رق
بالبان تاریخ مذکور ایله مورخ برقطعه اخبارنامه اعطا
ایلملری اوزرینه اولبایده سبق ایدن محاکمه و مذاکره
نتیجه سننده مبرز سند تاریخنه نظراً مرور زمان وقوع
بولدیغی اکلاشیلان دعوی واقعه نک محله نک بیک التیوز
التمش طقوزنجی ماده سی موجبجه ردینسه قرار
ویرلیدیکندن و مستدعی تمیز زراعت باقعه سی وکیلنک
اشبو قرار علیه لایحه سننده مندرج اعتراضاتنک
خلاصه سی دخی مستند ادعا اولان سننده محرر
وعده نک انقضاسی تاریخندن دعویله قدر گذار
ایدن مدتک لدی الحساب اون بش سنه یه بالغ اولدیغی
حالده مرور زمان وقوعنه قرار ویرلمش و مرور
زمانک مبدأ و منتهای تاریخلرینک تعیین واران ایدلماش
اولسی و محکمه یه ابراز اولنان و مدعی علیهم طرفندن
تبلیغ ایدلیکی رسماً ثابت بولنان اخبار نامه نک نظر
دقته آلتامسی مغایر قانون ایدو کندن بحشله اعلام
مذکورک نقضی استدعاسندن و مطالعه نامه نک مفادیده
دعواده وقوع بولان مرور زمانی اوچیوز بش تاریخنده
مدیونلره تبلیغ قلنان اخبار نامه قطع ایدمه یه چکنه
مبنی لایحه تمیزیده درمیان اولنان اعتراضاتک موافق
قانون کوریه مدیکی بیاندن عبارت بولنمشدر.

ایجابی لدی المذاکره مبرز سنند مآله نظراً دین
مدعاهمک مؤجل اولدیغی و بومثللو دین مؤجلده مرور
زمان دعویله صلاحیت کلدیکی یعنی حلول اجل

تاریخسندن معبر ایدوکی مجله نیک بیگ اتیبوز التمش یدنجی ماده سی حکمی اقتضاسندن اولدینی و بنا علیه مرور زمان مدتک مستند ادعا اولان سندده محمر و عدله اقتضای تاریخسندن اعتباراً شهر عربیه ایله بالحساب مبدأ و منتهای تاریخلرینک ارأه سیله اعطای قرار اولمشی امور لازمده بولندیقی حالده محکمۀ مذکورده جهات مشروحه دن ذهول ایله تاریخ سنده نظراً عوداده مرور زمان اولدیغه قرارویرلیسی یولسز و موجب نقض کوردن بیکدن اصول محاکمت حقوقیه قانونسک ایکبوز اتوز ایکنجی ماده سی موجبه اعلام میز بهک قضیه کیفیتک صور مشروحه و احکام قانونیه داره سنده یکدن بالتدقیق حکم و اعلامه ربطی ضمننده عیانجق بدایت محکمہ سنده اعاده سنه و در تیوز التمش بقیق غروش مصارف تمیز بهک بالآ خره حقسز چقه جق طرفه راجع اولمق اوزره اول امرده مستدعی تمیز زراعت باقیه سندن آلمسسه ۲ مایس سنه ۳۱۸ تاریخنده متفقاً قرار ویرلیدی .

قولسسه دائر ارزنجان سنجانجی بدایت محکمہ سی جزا داره سندن و یریلان ۳۸۹ نومرولی اعلام محکمۀ تمیز جزا داره سنجه تصدیق اولمشدر .

قالقاندن قضاسنک لونوه قره بسندن قوسطو ولد فلبی قتل ایلبیکی ادعا قلمسندن دولای جنایتله اتهام اولنان رقه ققضاسنک و یریلان قره بی ستار بن ادربسک اون بش سنه مدله کورک قولسسه دائر برزین سنجانجی بدایت محکمہ سی جزا داره سندن و یریلان ۱۶۵ نومرولی اعلام محکمۀ تمیز جزا داره سنجه تصدیق اولمشدر .

بقال طونه ولد نیقوله نیک لایلا دکانی کیدینی شکست ایله ارزاق و اشیاسی سرق تبسندن دولای جنایتله اتهام اولنان چویان عبده بن احمدک اوج سنه مدله کورک قولسسه دائر ادرنه ولایتی استیفاف محکمہ سی جزا داره سندن و یریلان ۲۱۱ نومرولی اعلام محکمۀ تمیز جزا داره سنجه تصدیق اولمشدر .

۱۴۵ نومرولی نسخه ده مندرج در سعادت جنایت محکمہ سی اعلامنک مابعدی :

مدعیلردن بنا یویط ولد خره لم برکیجه متهم مصطفی دکانه بالورود توتون طلب ایدرک دکانه جام و شیشه لری قیرمسيله کندوسی قورقوب قاجدیقی و صکره برکیجه ساعت ایکده زوجه سی اودن چیقاره رق زوجگی بوله جسک دیه مجله بی طولا شدرمش اولدیقی و دکانه قهوه و عشرت فروخت ایتکه بولدیقی بیان ایتکه متهم مصطفی پونا یویطک خانه سنه کیرمدیکی و زوجه سی مجله آره سنده طولا شدرمدینی و بونلر تونون قاجدیسی اولدیقی چه تله دائمًا دکانلری آرامده بولدیقی سویلیدی .

واسیل قالقه دخی برکیجه خانه سنده باتوب اوپور ایکن متهم مصطفی کلرک قیونی آچامش اولدیقی ایچون قیونی دیه لدیکی و مارتین ایله فوجی بی دلدیکی و کندوسی بیه قیونی آچدیغندن مصطفی دکان قیوسی قیرمه باشلامسيله قیونی آچدیغنده مصطفانک الده مارتین اولدیقی حالده ایچرو کیرمسيله دکان اوزرنده او طه ده بولنان قادینار فریاده باشلا دقرلی و مصطفی « قادینار سس چیقارمسون یوقسه دکانی قاجق ! » دیکله کندوسی قاجدیقی و آندن بر ماه اول بیسه مرقوم مصطفی دکانه کلرک بش بقیق غروشلق راقی اچدیکن صکره لیرانک اوزرنی طلب ایتمسيله و یردیکنده مرقوم مصطفی باره بی آلدینی حالده لیرانی و یرمیرک کیتدیکنی و مارتین ایله دکانه کیردیکنی زمان قورقوب فریاد ایدنلردن بر قادین بر چوجق بالآ خره وفات

توقادلی حسین بن حمزه بی جرح وقتل ایتمسندن دولای جنایتله اتهام اولنان اسماعیل بن عمرک اون بش سنه مدله کورک قولسسه دائر توقاد سنجانجی بدایت محکمہ سی جزا داره سندن و یریلان ایکبوز التمش التی نومرولی اعلام محکمۀ تمیز جزا داره سنجه تصدیق اولمشدر .

کوپربلی قضاسنک قویجه قره بسندن یوان ولد دیمونی قتل ایلبکلری ادعا قلمسندن دولای جنایتله اتهام اولنان باوله ولد اندونک اون بش و یوان ولد پتروش ایله میشه ولد آرزونک اوجر سنه مدتلرله کورک قوللرینه دائر قوصوه ولایتی استیفاف محکمہ سی جزا داره سندن و یریلان ایکی یوز قرق طقوز نومرولی اعلام محکمۀ تمیز جزا داره سنجه تصدیق اولمشدر .

بوزطغان قضاسنک عربلی قره سی اهالیسندن مصطفانک خانه سنه بالذخول آلت مخصوصه استعمالیه اشیاسی سرق ایتمسندن دولای جنایتله اتهام ایدیلان عبدالهک کریمه سی عایشه نیک اوج سنه مدله کورک قولسسه دائر آیدین سنجانجی بدایت محکمہ سی جزا داره سندن و یریلان قرقق نومرولی اعلام محکمۀ تمیز جزا داره سنجه تصدیق اولمشدر .

اسماعیل اوغلی احمدک ضرباً و فائسه سبیت و یرمسندن دولای جنایتله اتهام اولنان مقتول اسر قومک خدمتکاری کاملک بش سنه مدله کورک

ایتدیکنی و قادینلردن بریسده هنوز خسته بولندیقی آیان ایلدی . لدی السؤال متهم مصطفی واسیل قالقه نیک دکانه کیتدیکنی و سلاح آتدیقی و باره سی آتدیقی و مرقوم واسیل تملیات ایله کندوسی حقدده بویولده ادعا ده بولمقده اولدیقی در میان ایتدی .

ایتمکچی یانی دخی برکیجه ساعت یدی راده لرندۀ دکانی اوزرنده یا تمقده ایکن متهم مصطفی جانی ایله کلرک سلاح آتدیقی و ایچری کیره ریک ایکی دفعه دها مارتینی بوشالتدیقی و قوروشولردن بریسی طوانه اصابت ایتدیکنی و بر آرز راقی اچدیکن صکره لیرانک اوستی طلب ایتکه و یردیکنده لیرانی و یرمیرک کیتدیکنی آیان ایلدی .

متهم مصطفی دخی قیرده سلاح آتیق عادت اولدیغندن کندوسی بعضاً قیرده سلاح آثار ایسه ده مجله آره سنده و ایتمکچی یا نیک دکانه سلاح آتدیقی و مرقوم دن باره آتدیقی سرد ایتدی .

صوتیری چوباجینک یورکی دخی برکون خانه سنده بولمقده ایکن متهم مصطفانک کوردیدیکی خیر اوزرنه کیتدیکنده کندوسندن بنا یویط ایله فوطا کینک قامت ایتدیکنی مجلی سؤال ایدوب بیلمدیکی سویلیدی . متهم مصطفی ده کندوسی قوراجه ضرب ایتدیکنی سویلیدی . متهم مصطفی ده بویورکی توتون ایچون مخبرک ایتکه اولدیغندن بونک دلالتله بعضی خانه لرده توتون نخری ایدوب بوله مدق لری و مرقوم ضرب ایتدیکنی افاده ایلدی .

بالاش دخی برکون قهوه خانه ده طراش اولور ایکن متهم مصطفی کلرک بالاسب کندوسی ضرب ایتدیکنی سویلیدی .

متهم مصطفی ده ضربه مجامرتی انکار ایتدی . باولی دخی برکیجه قهوه خانه ده بلا سبب متهم مصطفی کندوسنیده ضرب ایتمش اولدیقی در میان ایتکه متهم مصطفی باولی بی دخی ضرب ایتدیکنی سویلیدی . یورکی ولد واسیل دخی اوچیسوز اون درت سنه سی نیساننده قهوه خانه ده او طور درکن مصطفی کلرک کندوسی قهوه خانه دن طشارو چاغروب اون سامق تکلیف ایتکه قول ایتدیکی ایچون ضرب ایتدیکنی و بوضرده قاجوب خانه سنه کتمش ایسه ده مرقوم مصطفی بیه خانه سندن چیقاروب قهوه خانه ده کندوسی دو کیدیکنی و اقشام ساعت اون ایکی قرار لرنده جیرا کندوسی رزی قویلرینه مخصوص قعوشه کنوروب اوارده اوزرنه طوغری بر قاج ال سلاح آتدیقی و قعوشده کندوسنک عرضنه تسلط ایده چکنی اکلا . یوب ساعت درت قرار لرنده قعوشده لایمه نیک سوندر لمسندن و مرقوم مصطفانک سکر حالده اولسندن بالاستفاده خانه سنه فرار ایتدیکنی انبا ایتدی . متهم

مصطفی دخی بویورکی ضرب ایتدیکنی و تسلطه بولندیقی و بوده تعلیمات اوزرنه بویولده سولمکده اولدیقی بیان ایلدی .

مقتول مصطفانک اوغلی عبدالرحمن دخی دانغالاق حسینک ولیه جمعیتی اولدیقی کیجه مرقوم حسین کلرک پدری آلوب دکونه کنور دکدن ایکی ساعت صکره حسینک زوجه سی کلرک متهم مصطفانک پدری مصطفانی اوردیقی بیان ایتدیکنی و پدرنک یاشنه کیتدیکنده متهم مصطفی طرفدن اولدیقی سولیدیکنی و سبی ایسه متهم مصطفانک کندیلرینک باغی درونسندن صو کچورمسنه مخالفت ایتمسندن عبارت بولندیقی و وقت مرور ایتمی حسینیه پدری کیمک غسل ایتدیکنی در خاطر ایده مدیکی افاده ایلدی .

متهم مصطفی ده کندوسی تلبند اوغلی مصطفایله منازعه و مرقوم ی جرح وقتل ایتدیکنی در میان ایتدی .

۲۲ تموز سنه ۳۱۳ تاریخی ژورنال و ۲۴ تشرین اول سنه ۳۱۱ تاریخی ضبط ورقه سی و ۲۸ کانون اول سنه ۳۱۱ تاریخی مقتول مصطفانک قبل الوفات ضبط اولنان افاده سی و مقتول مصطفی و متهم ولی چاوش و متهم مصطفی و یانی و علی بکک معاینه لری حای و کوردوسی قوراجه ضرب ایتدیکنی سویلیدی . متهم مصطفی ده بویورکی توتون ایچون مخبرک ایتکه اولدیغندن بونک دلالتله بعضی خانه لرده توتون نخری ایدوب بوله مدق لری و مرقوم ضرب ایتدیکنی افاده ایلدی .

متهم مصطفی ده ضربه مجامرتی انکار ایتدی . باولی دخی برکیجه قهوه خانه ده بلا سبب متهم مصطفی کندوسنیده ضرب ایتمش اولدیقی در میان ایتکه متهم مصطفی باولی بی دخی ضرب ایتدیکنی سویلیدی .

یورکی ولد واسیل دخی اوچیسوز اون درت سنه سی نیساننده قهوه خانه ده او طور درکن مصطفی کلرک کندوسی قهوه خانه دن طشارو چاغروب اون سامق تکلیف ایتکه قول ایتدیکی ایچون ضرب ایتدیکنی و بوضرده قاجوب خانه سنه کتمش ایسه ده مرقوم مصطفی بیه خانه سندن چیقاروب قهوه خانه ده کندوسی دو کیدیکنی و اقشام ساعت اون ایکی قرار لرنده جیرا کندوسی رزی قویلرینه مخصوص قعوشه کنوروب اوارده اوزرنه طوغری بر قاج ال سلاح آتدیقی و قعوشده کندوسنک عرضنه تسلط ایده چکنی اکلا . یوب ساعت درت قرار لرنده قعوشده لایمه نیک سوندر لمسندن و مرقوم مصطفانک سکر حالده اولسندن بالاستفاده خانه سنه فرار ایتدیکنی انبا ایتدی . متهم

قدر نفوذ ایدن جرعه نیک قتیحه سندن خروج ایتمش اولدیقی و بل کیتکده کی جرعه نیک تهلبکلی بولندیقی و یاینسک این صیوان اذنک محم صیواندن ماعدا قسمی سقوط ایتمش و بوده آلت قاطمه ایله حصوله کلش اولدیقی و حسی سمع موجود اولوب شو جرعه سی کندوسی بکر می کوندن زیاده ایسندن معطل ایتمیرک مدت مذکوره ظرفنده ایکبوز غروش اجرت تدایوه ایله التیام بولدیقی و علی بکک ایسر بدینک اشارت اصابعنک قاعده سندن جنب السنی اصابعدن ظهیر اصابعنک وسطه طوغری الت ناربه ایله حصوله کله و اساع و غیر منتظم و کسر عظم ایله متراقق بر جرحه مشاهده ایدیلوب اصابع مذکوره ده معلولیت حصوله کلش و جرحه ایسه کیر بر مریدن حاصل اولمش اولدیقی و متهم مصطفانک ناحیه قفاویه سندن بدأ ایله تا ناحیه قطنیه سنه قدر باشد و صاغ وصول کنترلی اوزرنده یعنی بتون ظهورنده جمماً او توزی متجاوز و بر آلت ناربه دن انداخت اولمش صاچه دانه لری جرحه لری کوردیدیکی و جرحه لری کندوسی بکر می کوندن زیاده ایسندن معطل ایتمیرک مدت مذکوره ظرفنده ایکبوز غروش اجرت تدایوه ایله التیام بولمش ایدوکی و وجودنده قلمش اولان چند عدد صاچه دانه لرنیک کندوسنه مضرتی اولمیه چنی قفا تین ایتدیکی و ولی چاوشک صول ناحیه کنفیه سی وسطنک او موزینه قریب مجلنده بر آلت ناربه دن انداخت اولنان قورشون مر میسيله حاصل بر بقیق ساینمترو قظرنده بر عدد فتحه دخوله کوردیدیکی و ایکی ماه امتداد ایتمش اولان مدت تدایوه سی ایچون بیک ایکبوز غروش اجرت تدایوه تسبب ایدلیدیکی کبی مدت تعطیلیه سنه کلنجه درت ماه امتداد ایتمش اولدیقی ماده لرینسک محمر بولدیقی اکلا شمشدر .

قرائت ایتدیریلان اوراق مندرجاته قارشو نه دیه . چکی متهمدن صور لده قده بر دیه چکی اولدیقی سویلیدی .

قرائت ایتدیریلان اوراق مندرجاته قارشو نه دیه . چکی متهمدن صور لده قده بر دیه چکی اولدیقی سویلیدی . (مابعدی صکره به)

یورکی ضرب ایدن قره جه احمدده ساکن طاشچی حسن اغانک بر هفته حبسنه خلیله اطاله لسان ایدن بلغور لیده ساکن ریچیر عزیز اغانن یارم آتون جزای نقدی آلمسسه یازمه سی جراحی خیارسومی ضرب ایدن باغیر باشنده ساکن باقچی صوتیرنک اون کون حسنه حسن اغانک خیل و دسایس اعمالیه طقوز مجیدیه سی طولاندران اقنرایده ساکن قولتچی اسناقندن مصطفی اغانک محکومیت سابقه سنه بنا سکر آلی حبسنه و مبلغ مذکورک دخی تحصیله اسکدارده تکیه قیوسنده ساکن قطی طاقفه .

سندن اسماعیل وزیر و احسان و زهرا و شاهده و سیکنازک مضاربه ایلبکلری ثابت اولدیغندن برر هفته حبس لرینه

یکدیکنی ضرب ایدن اسکدارده آراه میداننده ساکن ساعتی جراحی همونک اون ایکی و بدوسک دخی سکر کون مدتلرله حبس لرینه

بارکیچی حسینی جرح ایدن قاضی قره سی اسکله سنده صندالجی طرزولی محمد رئیسک اون بش کون حبسنه

خلاف ممنوعیت اجزای طبیه فروخت ایدن قاضی قره سنده ساکن بقال صاودن اون بش بشلاک جزای نقدی اخذینه

معونه سی حسین اغانی ضرب ایدن اسکدار اسکله سنده معونه سی احمد اغانن بر آتون آتهرق مضرویه و برلمسنه

مافسینایه ایله صارق دلیق ایدن اسکدارده جاجی زنجی صالحک بر آی حبسنه

اوزون چای موقعتده مستخدم پولیس مصطفی افسدی ایله چفتچی محمد اغانک مضاربه ایلبکلری و سواری پولیس چاوشی حسن اقدینک دخی اجرای ماموریت حالنده محمد اغانی ضرب ایدلیدیکی ثابت اولدیغندن حسن اقدینک اون بش و مصطفی اقدینک اون و محمد اغانک سکر کون مدتلرله حبس لرینه یکدیکنی ضرب ایدن کتبه دن عمر اقدینسک بر هفته و پارمقلقچی حسین اغانک بکر می کون مدتلرله حبس لرینه

اجزای ممنوعه دن اولان « قلورات دوپوتاس » نام اجزایی تزنده بولندیدینی ثابت اولان سلا مسزده مقیم یازمه سی حزاروسدن بش بشلاک جزای نقدی آلمسسه

بکچی مصطفانی ضرب ایدن پوسته خانه مأموره لرندن صادق اقدینک ایکی لیرا التهرق مضرویه و برلمسنه

قیلوسی ضرب ایدن قاضی قره سنده ساکن تبیکه سی یا قونک بر هفته حبسنه در سعادت و اسکدار بدایت محکمہ لری جزا داره لرینجه قرار و یرلمشدر .

اعلانان

قمارت بیره حکم سنده : مار پوشنیلرده سکر نومرولی مغازه ده ساکن ایکن تجارت بحیره محکمہ سندن افلاسه حکم اولمش اولان خردوات تاجرلی البر آسار و ساتو شرکتی

ذمتده آله جفنى اثبات ويا موقتاً قبول وقيد ايتديرمش اولان آله جقلولر ك قانوننامه تجارنك ۲۱۱نجى و آنى ولى ايدن ماده سى موجبنجه مفلس طرفندن تكليف اولنه جق قونقور داتونك مذا كره سى ايچون اوچيوز اون طقوز سنه سى مارتنك برنجى جمع ايرتسى كوننده محكمه مذ كوره نك افلاس او طه سنه كللى اعلان اولنور .

ايكنجى تجارت محكمه سنده :

تخته قلعه ده كاآن دكانلر نده نعلبور جيلقله مشغول ايكن ايكنجى محكمه تجارندن افلاسنه حكم اولنمش اولان توفيق افدينك خصوصات افلاسيه سنك رؤيت وتسويه سى ضمنده دعوى وكيللرندن عثمان طلعت افدى ايله اصحاب مطلوبدن موسيو مريخ دارى اصالة سنديك تعيين قلمش اولد قلرندن مفلس مرقوم ذمتده آله جفنى اولنلر ك قانوننامه تجارنك ۱۹۹ و ۲۰۰نجى ماده لرى موجبنجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللىرى ومدت مذ كوره ختامندن صكره اوچ كونده يعنى بيك اوچيوز اون طقوز سنه سى مارتنك اون اوچنجى پنجشنبه واون بشنجى جمع ايرتسى واون يدنجى بازار ايرتسى كونلر نده ايكنجى محكمه تجارنك افلاس او طه سنه كله رك سنديك افديلىر مواجهه سنده آله جقلىرى اثبات وقيد و تصديق ايتديرملرى ومدت مذ كوره د اثبات وجود ايدمىان آله جقلولر حقنده قانون مذ كورك ۲۱۰نجى ماده سنه توفيقاً ايفاي معامله اولنه جفنى اعلان اولنور .

استانبولده طوبالان خانى قريبنده قوطى فابريقه . سنده قوطى تجارتيه مشغول ايكن ايكنجى محكمه تجارندن افلاسنه حكم اولنمش اولان واهان آليا قيانك خصوصات افلاسيه سنك رؤيت وتسويه سى ضمنده دعوى وكيللرندن باراويان اوخانس واصحاب مطلوبدن كوشجيان كوره به افديلىر اصالة سنديك تعيين قلمش اولد قلرندن مفلس مرقوم ذمتده آله جفنى اولنلر ك قانوننامه تجارنك ۱۹۹ و ۲۰۰نجى ماده لرى موجبنجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللىرى ومدت مذ كوره ختامندن صكره اوچ كونده يعنى بيك اوچيوز اون طقوز سنه سى مارتنك اون ايكنجى چهارشنبه واون اوچنجى پنجشنبه واون بشنجى جمع ايرتسى كونلر نده ايكنجى محكمه تجارنك افلاس او طه سنه كله رك سنديك افديلىر مواجهه سنده آله جقلىرى اثبات وقيد و تصديق ايتديرملرى ومدت مذ كوره د اثبات وجود ايدمىان آله جقلولر حقنده

قانون مذ كورك ۲۱۰نجى ماده سنه توفيقاً ايفاي معامله اولنه جفنى اعلان اولنور .

كليك بايت محكمه سى تجارت قسمنده :

كليك قصبه سنده ايكن چند ماه اول غيوبت ايدوب اقامتكاهى مجهول بولنان اسپر لوقه اوغلى يراميا حقنده بقال علكسى ومخدومى آپوستول طرفلرندن اقامه اولنان مطلوبات وطلب افلاس دعوالر ينك محاكمه سى بيك اوچيوز اون طقوز سنه سى مارتنك برنجى جمع ايرتسى كونى اجرا اولنه جفندن يوم مذ كورده بالذات محكمه به كلسى وكلمديكى تقديرده وكيل مسخر تعيينيله غياباً رؤيت محاكمه ايديله جكنه دائر تنظيم اولنان دعوتيه ورقه سى محكمه ديوانخانه سنه تعليق اولنديكى كى غزته ايله ده اعلان كيفيت اولنور .

كليكده فوجى اعمال وفر وختيله اجراى تجارت ايتكده ايكن افلاسنه قرار ويرمش اولان غائب يوركى اميرادا كينك خصوصات افلاسيه نك رؤيت وتسويه سى ضمنده يوانى قالمبا كيديس ويوركى سفاريقا افديلىر اصالة سنديك تعيين قلمش اولد قلرندن مفلس مرقوم ذمتده آله جفنى اولنلر ك قانوننامه تجارنك يوز طقسان طقوز وايكيوزنجى ماده لرى موجبنجه تحقيق ديون ايچون تاريخ اعلاندن اعتباراً يكرمى بركون ظرفنده سنداتى محكمه كاتبه تسليم ايللىرى ومدت مذ كوره ختامندن صكره اوچ كونده يعنى اوچيوز اون طقوز سنه سى شهر مارتنك سكرنجى جمع ايرتسى واونجى بازار ايرتسى واون ايكنجى چهارشنبه كونلر نده كليك حكومت قوناغنده او طه مخصوصه كله رك سنديك افديلىر مواجهه سنده آله جقلىرى اثبات وقيد و تصديق ايتديرملرى ومدت مذ كورده د اثبات وجود ايدمىان آله جقلولر حقنده قانون مذ كورك ايكيوز اوننجى ماده سنه توفيقاً معامله اولنه جفنى اعلان اولنور .

اعلامات نظاميه اجرا دائره سنده :

سرور اغانك با اعلام نظامى كرقور و آغوب ذمتده محكوم به آلاجنى اولان مبالغت تأمين استيفاسى ضمنده مديونلر ك جدلىر آغوبدن و بدرلىر طوما سدن انتقالاً عهده لر نده بولنان اورته كويده بشمش اوغلى زقاغنده قرق التى و قرق سكر و يكي ميخانه زقاغنده اون التى نومرولر له مرقم اوچ باب اخشاب خانه نك التيشر حصه اعتباريله برر حصه لريله اورته كويده انبارلى دره جادمه سنده واقع اوتوز سكر نومرولى برقطه بوستانك كدكلى قسمندن التى حصه دن

وكدكسز قسمندن بش حصه دن برر حصه لرى التيش بر كون مدته اجرا قلنسان مزايده اوزرينه قرق التى نومرولى خانه لر حصه لرى يديشر يوز وبوستان حصه سى درتبيك ايكيوز غرو شده طالبي عهده سنده تقرر ايدر ك موقتاً قرار داده سى كشيده قلمش اولديغندن مذ كور خانه لر له بوستان حصه لرينه يوزده بش ضم ايله طالب اولانلر ك ني آچه لريله برابر تاريخ اعلاندن اعتباراً اوتوز بر كون ظرفنده در سعادت اعلامات نظاميه اجرا دائره سنه مراجعت ايللىرى اعلان اولنور .

عدد	عدد
۱	۱
عجم حاليسى	چين كارى وازو
۱	۱
كچسى	درى
۱	۱
ديوار حاليسى	

خرستونك با اعلام نظامى كركوك متصرفى سعادتلو ابراهيم مخلص بك ذمتده محكوم به الاجنى اولان مبالغت تأمين استيفاسى ايچون مديون موسى اليك مالى اولوب حجز اولنان بروجه بالا بش قلم اشيا بيك اوچيوز اون طقوز سنه سى مارتنك بشنجى چهارشنبه كونى ساعت يديده چارشوى كيرده بدستان داخلنده بالمزايده فروخت اولنه جفنى در سعادت اعلامات نظاميه اجرا دائره سنندن اعلان اولنور .

ازميد سنجاغى بايت محكمه سى اجرا دائره سنده : ازميد محكمه شرعيه سنك كسب قطعت ايتمش برقطه اعلامى موجبنجه با نچه جك قريه سى ساكنلر ندى صندالجى اوغلى ارمناق نام كسنه نك والده سى اولوب بوندى اقدم فوت اولان احسبت قادين تركه سنندن اوله رق ديكر اوغلى كيغورق ذمتده الاجنى اولان التى عدد يوزلك مجديه التوننك تسويه سى ضمنده هر برى متوفاة مزبور نك عهده سنده مقيد اولوب طرف رياستدن ويريلان قراره مبنى حجز اولنان با نچه جك قريه سنده واقع معلوم الحدود يكرمى اوچ نومرودن يكرمى التى نومروه قدر درت قطعه باغ وبانچه لرك نصف حصه لرى لى المزايده درت پارچه سى بيك التيوز غرو شده طالبي عهده سنده تقرر ايتمش وموقت قرار داده سى چكلمش اولديغندن تاريخ اعلاندن اعتباراً اوتوز بر كون ظرفنده يوزده بش ضميله طالب اولانلر ك ديپوزيتو ويا معتبر كليلريله ازميد سنجاغى اجرا مأمور لغنه مراجعت ايللىرى صوك دفعه اوله رق اعلان اولنور .